

Кегми нутан уноңуҥса,
 Анакутын ыльпык кынылильтын.
 Гутысхырақ қантаҳқалуку
 Қилыҳълуку...
 Уноҳпигамалуку, нутан уноңуҥса,
 Сали ывык лъалаҳипихтақуқ
 Сали кина лъыган аңйитуқ,
 Тупагьяғақалътын ағулаҳқуғақутын.
 Уаникуя, тетухса малихълуку,
 Ағиҳтыкатақутын.
 Иламни регаль нукувақо тумым аўатқани,
 Атуғақукут тунийқылта ағулаҳқунун:
 «Але-поле, ағулали-поле...
 Нықынлъамың туниңа, қулңимың туниңа...»
 Қалңагасоқ тунақан ўимнун
 Суҳамың имиғанғалге.
 Қуяпихтақо ўи ынлағьюгако.
 Ағулаҳкулъык, Мығнуңғақутын,
 Нақам илуи ыльқуңғақуқ
 Мулунильтын нунивагми.